

chia Brandenb: incolis, Pomeranis &c. sunt consueta. Sic in *Italia*, *Hetruria*, *Istria*, *Venetorum*, *Patavinorum*, *Bononiensium* & *Insularum* adjacentium *Candia*, *Melita*, &c. In *Hispania*, *Catalonia*, *Valentia* &c. In *Gallia*, *Burgundia*, *Narbonensium*, *Parisienium* &c. usitata Herbarum Vocabula præcipue Johann: Bauhinus, & alii, recensuerunt. Nec omissa sunt Obsoleta, quæ olim variis Gentibus diversarum Linguarum usu fuerunt recepta, ex *nothis* *Dioscoridis*, ut *Criticis* atque iis, qui antiquitates perscrutantur, materia suppeditaretur inquirendi. His autem nullam adjeci Auctoritatem, eò quòd *spuria* *Dioscoridis* censerentur. Notandum præterea, quòd diversa Typorum genera mihi adhibenda fuerunt, quoniam diversæ Gentes iis quoque diversimode in suis Scriptis abutuntur. Nam *Latinorum* & *Hungarorum* sive *Pannonicorum* typus usitatus est ille, qui vulgo *Typographorum* τεχνολογικῶς (Cicero erectus) vocatur. Hunc typum etiam Populorum Orientalium Linguis, videlicet, *Arabum*, *Turcarum*, *Tatarorum*, *Malabaricorum*, *Chinenium* & aliorum in *Oriente* degentium applicavi, quia eorum Characteres, nostris *Europæorum* literis ordine contrarios, in Indicem non potui ponere, sed supradictis Ciceronianis typis exprimere necessum habui. Aliorum verò *Europæorum*. v.g. *Italorum*, *Gallorum*, *Hispanorum*, *Anglorum*, *Belgarum* & quorundam *Americanorum* vocabula, obliquò typorum genere, quod supradicto vulgo (Cicero Cur-sivus) appellatur, imprimi curavi, quoniam illæ Nationestales Typos ad ipsorum literas, librōsque quotidie adhibent. *Graecis* verò & *Germanis* proprius mansit Elementorum Character. *Polonis*, *Lituaniis*, *Bohemis*, *Danis*, *Vandalis*, &c. prospexi antiquò *Germanicarum* literarum genere, quod *Typographis* vulgò (*Schwabacher*) dicitur, non neglectis peculiaribus & iis familiaribus literarum notis, quibus Idem in hunc usque diem utuntur. Denique minores Typos, *Typographis* (Garmont) dictos, ad *Species* & *Differentias* Plantarum etiam duplices adhibui, ut legentium & evolventium oculis consulerem: quibus ab initio cuiuslibet *Speciei* tot lineolas præfeci, quot verba à Princípio *Speciei* præcedentis repetenda essent, atque si nova Species ponenda, lineolis asterismus parvus præfixus est, quò Typothetæ non tantùm labor adimeretur superfluus, sed etiam nausea non crearetur legentibus in repetendis multoties iisdem vocabulis. Quòd autem non omnia Nomena ab initio sub se invicem, [ut mos est Lexicographis] sed juxta linearum seriem promiscuè fuerint posita, factum id est ob vocum multitudinem variarum Linguarum, ne opus nimium ex cresceret, sed formam, itineribus, ambulationibus, quærendi herbis, aliisque usibus aptam, obtineret.

Visum quoque fuit, ab initio Literarum breviter de natura cuiusvis Literæ & ejus formatione naturali, quæ in ore fit, differere, (quod à paucis